

## *U' VINTAGGHJIU*

*Me' maritu piddivu l'impiecu  
jò mi ciusciu e no m'apprecu.*

Donn'Anna 'ssittata fòra du' battenti  
vuljia fari 'a strafuttenti,  
svintuliannu u' vintagghjiu,  
ma d'intra si manciava u' quagghjiu.

*"Stu putruni e disgraziatu  
'o travagghjiu 'nciavi sempri sparatu,  
voli i' picciuli 'ntà sacchetta  
e stari 'o friscu liggennu 'a Gazzetta.  
Fuma cchjiù di na vapureira  
m'assumigghjia na ciminera  
nci piaci puru trincari  
e fimmineri è magari.  
Pi' mantèneri sta cusazza  
pozzu annari a' fari subbizza."*

Sfuttunata nascjiu donn'Anna  
ma fu sempri na' santa donna.

*Me' maritu piddivu l'impiecu  
jò mi ciusciu e no m'apprecu.*